

*Bruxella* (*Brussel*) urbs splendida est & magnifica, duplici muro munita, sita solo fertili, rerumque omnium abundanti. Mirum, tam numerosę Civitati, advenis quamplurimis, Ducis aule, & peregrinis Principibus cum universo satellitio illic agentibus, omnia semper benigne & copiose potuisse suppeditari. *Antverpiam* vulgo *Antwerpen* vocant, Galli *Anvers*, Itali *Anversa*, Germani *Antorff*. Petrus Appianus putat eandem esse cum Prolemæi & Cæsaris *Atuacuto*. Nomen *Antverpiæ* creditur esse a projecta manu. Nam Gigas quidam Druo qui hæc loca ante C. Cæsaris adventum insedit, prætereuntibus si dimidium suarum Mercium non solvissent, manum dexteram præscindebat, eamque in profluentem abjiciebat: argumento sunt ipsius urbis insignia, & ossa quædam immania quæ in Curia hodieque adservantur ipsius Druonis, quem alii Antigonum vocatum dicunt. Sed hæc fabulosa. Illud vero similis, nomen datum ab Indigenis ab aggestu terræ ad Scaldim, hoc enim Belgis est *Anvverpen*: nā aggeribus oppositis flumen pariter angustius reddiderunt & profundiorẽ ejus alveum. Sita est ad flumen quæ id profundissimum, grad. Long. xxv i min. 42. Lat. li. min. 58. Distat à mari iv. mil. pass. Mechlinia totidem; Lovanio octo; Gandavo x. Brugis xv; *Bruxella* i i x, Londino lx: Colonia Agrippina xxix. Francofurto lx. Ter muro cincta fuit. Primum arctiore ambitu, Anno m cc i, Postea ampliore, Anno m ccc xiv qui annus fame, ut sequens pestilentia notabilis fuit. Denique ad Septentrionem extensa pomeria Anno m d xli i i. Ambitus est extrinsecus quatuor millium pass. octingentorum & duodecim. Fossæ intra Urbem ex fluvio derivatæ aptæque maximis plurimisque nauibus recipiendis sunt octo. Mercimonia omnem fere æstimationem superare solent. Guicciardinus eam inivit rationem, ut demonstrarit singulis annis commercia excedere duodecim milliones coronatorum: cuius calculus rebus *Antverpianis* florentibus non modo non superavit, sed ne æquavit quidem iustam æstimationem. Proinde merito cecinit *Iulius Scaliger*:

*Opida quot spectant oculo me torva sinistro*

*Tot nos invidia pallida tela petunt.*

*Lugdunum omnigenum est, operosa Lutetia, Roma*

*Ingens, res Venetum vasta, Tolosa potens.*

*Omnimoda merces, artes priscaque novaque,*

*Quorum insunt aliis singula, cuncta mihi.*

*Buscoducum* seu *Silva Ducis*, vernacule s' *Hertogen Bosch*, Gallis *Bolduo*, nomen habet a *Silvis*. Urbs est ampla amœna, firmiter munita, sita ad rivulum *Disam*, altero lapide a *Mosa*, duodecimo ab *Antverpia*. Atque hæc sunt quatuor urbes primariæ, quarum tres primæ cum *Nivella* Marchionatû constituunt sacri Imperii. *Mechlinia* a quibusdam *Brabantia* adnumeratur, revera tamen ab ea distincta est; urbs alias pulcherrima & nitida; Archiepiscopatu insignita, & sede Ampli Consilii ad quod ultima est in Belgica provocatio. Urbes præterea in *Brabantia* sunt *Trajectum ad Mosam*, vulgo *Maestricht*, *Lira*, *Vilvorda*, *Gemblacum* (*Gemblours*), *Joudoigne*, *Hannut*, *Landen*, *Halen*, *Leenveen*, *Sichenen*, *Herentals*, *Eindhoven*, *Helmont*, *Grave*. Sunt & Municipia complura, nondum muris cincta, *Oostenrijck*, *Oorschot*, *Turnhout*, *Duffel*, *VVaelm*, *Merchten*, *Asche*, *Vueren*, *Duisburch*, *Hulpen*, *VVavre*, *Breine*, *genape*, *Gheele*, *Arendonck*, *Dormal* & *Isca*. Sunt & pagi in super d cc. Referuntur etiam ad *Brabantiam* Dominatus *Ravestein*, Ducatus *Limburgensis*, cum Domi-